



La Quarta Lingua il 2008: innovativa e costante

Finamiras: La Quarta Lingua (QL), fundada l'onn 1972, sustegna projects da litteratura, musica e teater ed auters projects en lingua rumantscha u cun in connex cun il rumantsch. Ultra da quai vul la QL esser in'ambassadura da la quarta lingua naziunala en il rest da la Svizra, surtut en la Svizra tudestga.

Activitads: L'onn 2008 ha la QL concedì las suandantas contribuziuns da promoziun:

- Chor Viril Grischun Turitg (CHF 1000.--)
- Gulasch en schelentera», crimi en rg da Claudia Cadruvi (CHF 1000.--)
- Rumantsch u Rivella», film dad Amir Hamz (CHF 4400.--)
- Dis da litteratura 2008 (CHF 2000.--)
- Chalender da litteratura rumantscha (CHF 3'000.--)
- Calender per mintga gi (CHF 1000.--)
- Andri Peer e ses temp», relasch audiovisual (CHF 2000.--)
- Betlehem avant 2000 onns», Bibla d'uffants (CHF 2000.-)
- Contribuziun al magazin d'uffants JUNIOR (CHF 2000.-)

En collavuraziun cun la GiuRu sco coeditura è cumparì l'onn 2008 per l'emprima giada Il Quadern cun lectura bilingua. El cuntegna set texts da giuvnas Rumantschas e giuvens Rumantschs en rumantsch grischun e tudestg. In ulteriur novum furma l'occurrentza d'accompagnament cuminaivla a las radunanzas generalas da la QL e da l'URB che han gì lieu parallelamain ils 5 d'avrigl a Turitg. A l'occurrentza d'accompagnament ha il secretari general da la LR, Urs Cadruvi, referì e discutà en duas linguas davart il tema «Rumantschia futura – Rumantschia globala?».

Sfidas: Procurar per simpatias per la quarta lingua naziunala en la Bassa n'è betg in'incumbensa facil. Quai vala era per l'acquisiziun da novs e surtut pli giuvens commembers. La QL dovra tals per segirar a lunga vista la finanziaziun da las activitads da promoziun.

Ina soluziun pussaivla: Il Quadern ed ina carta da reclama ha la QL tramess a tut ils participants e las participantas da curs rumantschs intensivs da las vacanzas, a tut ils possessurs da chasas u abitaziuns da vacanzas cun l'adressa principala en la Bassa sco era a tut ils commembers dal parlament federal. Grazia a questa acziun han ins bunamain pudì mantegnair l'onn 2008 il dumber da commembers ed en la chasa federala han ins cuntanschì per uschè dir la fermezza da fracziun. Dals 345 commembers (onn precedent 347) da la QL, che lavura senza subvenziuns, appartegnan ussa set al Cussegl naziunal u al Cussegl dals chantuns.

Fazit: La QL promova – e sto sa mover.

Suprastanza: La cumposiziun da la suprastanza da la QL n'ha subì naginas midadas. Madlaina Peer e Kaspar Silberschmidt mainan la suprastanza sco copresidents. Plinavant fan part da la suprastanza: dr. Linus Bühler (actuar), dr. med. Anna Marie Hew, Anton Killias, Barbara Kürz e dr. iur. Roman Truog. Il gremi s'ha reuni il 2008 a trais sesidas (ils 6 da favrer, ils 5 da matg ed ils 3 da settember). A la radunanza generala da la LR a Samedan era la QL represchentada da la copresidenta ed il copresident, sco era dal delegà Roman Truog.

www.quartalingua.ch